



ATASSUT  
Steen Lyngé

UPA15/120-121-122-1beh  
14.04.2015.

**Aningaasaateqarfimmi aningaasat katersat ileqqaakkallu erniaat taamaallaat atorneqarsinnaaneri siunertaralugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalakkersuisut peqquneqarnissaannut Inatsisartut aalajangiiffigisassaattut siunnersuut.**

(Inatsisartunut ilaasortaq Naaja H. Nathanielsen, Inuit Ataqatigiit)

**Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata. Inatsisartut inatsisaat ukiup tullissaani 1. januarimi atuutilissaaq imaluunniit Naalakkersuisut aalajangiippata siusinnerusukkut. 10 millioner kronit taaneqartut Inatsisartut ukiumi pineqartumi Aningaasaqarnermut inatsisaat naapertorlugu ataatsimut isigalugu akit akissarsiallu nalingannut naleqqussarneqartassapput.**

(Inatsisartunut ilaasortaq Naaja H. Nathanielsen, Inuit Ataqatigiit)

**Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut kingusinnerpaamik UPA2016-imi Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni aatsitassarsiornermit isertitanut paasinninnera Namminersorneq pillugu inatsimmi aatsitassarsiornermit isertitanut paasinninnermit immikkoortinneqassasoq. Allannguinermi tigussaasumik atortut, soorlu oliamik maqisuunnginnissamut atortut, illuutit sanaartukkalluunniit allat atortullu Kalaallit Nunaata Aatsitassarsiornermi**



**Aningaasaateqarfiani aatsitassarsiornermit isertitatut naatsorsuutigineqannginnissaat allanneqartariaqarpoq.**

(Inatsisartunut ilaasortaq Naaja H. Nathanielsen, Inuit Ataqatigiit)

Atassummit inatsisissanut oqaaseqaatigiumasat makkuupput, matumanilu pineqartut ataatsimoortillugit saqqummiullugit.

Siunnersuutit pineqartut ilaatigut pingaarutigaat, aatsitassarsiornermi isertitaasussat siunissami kinguaariit atugarissaarutissaannut tunngavileeqataanissaanut qulakkeerinneqataassasut.

Minnerunngitsumillu siunissami aatsitassarsiornermi ingerlatsinikkut isertitarineqarumaartussat pinasuartumik atorineqarumaannginnissaat, tassuunakkummi isumatusaarfiusumik politikikkut sinaakkuseeqataaneq qulakkeerumanearpoq, taamaalilluni aamma ileqqaarnissaq siunissamut.

Ilanngullugu nuannaarutissaavoq pineqartumi suli ersarinnerusumik toqqammaviliinissamut aqqutissiuussinerit inissititerneqalissammata aamma.

Siunnersuutigiumasani aappaasoq pkt. 121, aamma pingartoq tassaavoq aningaasanut inatsisissanut atuuttussanut ilanngussisalernissaq.

Atassummit siunnersuut ataatsimoortitaq annertunersumik ataatsimut oqaasertaliinata pingaarnertut immikkoortoq pkt.121 iluarisimaarlugu, taannalu kisiat innersuussutigaarput peqqissaartumik ataatsimiititaliamut ingerlatinneqarnissaa.